

**Mizefi wáraga bi**  
**Yiwáni**  
**eké ní**  
**Ledre gi ro mizefi búkú bi**  
**Yiwáni ní**

Yiwáni 'yìmíkása eké ledre ba ne zí ngíti géyì 'yì ga bì 'bì Kírésìto bì oto 'búye niyí zía káa zí owú 'bì ené e ní. Uku zíye kídí idíní fú ndìsì méngì ledre ga bì Lomo kí Kírésìto iliní yée ní. Zía ésì sílìne komoyé gi ro 'yì ranga ga bì niyí go simi kanísa ní, káa bì niyí lóndo yée ke. Uku zíye kídí nées owoyeme ledre gi ro Kírésìto bú, yée ndìsìní go kéne, ni Owú 'bì Lomo, zía idíne kpá 'yìma'dí. Zía úku ledre zíye kídí togú ñgununí tí fú ledre Kírésìto yá, niyí idí kí trìdrì bì za fí ní. Zía nda úku odù ledre zíye kídí idíní lánýá ro óto 'bú Lomo bì ñgununí ledrea ní, zíye kpá fú ndìsìyé óto 'bú lafúye.

*Ledre gi ro trìdrì bì za fí ní*

<sup>1</sup> Maa Yiwáni, mááyí kí rokiníyí kí éké ledre ba zíse. Nì ledre gi ro 'yì bì ogù kí trìdrì bì za fí ní. 'Yì máa nées nì kóo kú go bo 'desì. Zée 'yì kasa ené e, lurúze wo go cù kí komozé, zíze óto sílìze kpá za cù ro kuru'buya, zíze úwú ledre ga bì ndìsì úku yée ní za cù kí mbílìze. <sup>2</sup> Nì dùyú ne 'yì í'bì trìdrì bì za fí ní zí 'yì e. Zée 'yì ené e, ndìsìzè ba úku ma'díi ledre bì gi do bi a ní zíse. Gí zía kací kadra za mbá nì kóo kí 'Buzé do bi kíe'do.

'Buzé Lomo 'dodoyeme wo go zíze. <sup>3</sup> Ukuzé zíše ba ledre bi lurúze go cú kí komozé, zíze úwú a kpá za cú kí mbílize ní, gí ro zí mimbé'deze ídíne kése kíé'do, kí 'bi 'Buzé Lomo kpá kí 'bi owú 'bi ené Kírésito Yésu. <sup>4</sup> Née sí ledre bi ekéze ledre ba zíše gí roa ní, gí ro zíze ídíze kése ndro mbá kí rokinyi gí ro ledre máa née.

### *Idíze lánýá dujú ro ledre 'bi Lomo*

<sup>5</sup> Ledre bi ukuzé zíše ba ní, ni ledre bi kóo uwúze gí zí Yésu ma'dáa ní kídí, Lomo ni bimióṅgó, ledre ené e za mbá, mituluru ndaa simi a wá. <sup>6</sup> Togú ukuzé go kídí mimbé'deze ni kí Lomo go kíé'do, zíze ndá'bazé ndisi méngi ledre ga bi 'bi mituluru ní, rangazé ranga go, mengizé ezé née mbigi ledre bi 'bi Lomo ní wá. <sup>7</sup> Tí lá togú ndisizé méngi ledre ga bi 'bi bimióṅgó, gí zía bi Lomo ni yi ené bimióṅgó ní yá, ma'díi, mimbé'deze ni ídí kí lafúze kíé'do. Lomo ni lúgurayi zée drá gí simi lúyú ledre ezé e kí sama owú 'bi ené Yésu.

<sup>8</sup> Togú itíze kangú kídí, ndazé 'yi lúyú ledre e wá, rangazé ranga go. Mengizé aka ezé mbigi ledre 'bi Lomo wá. <sup>9</sup> Idíze úkuógu lúyú ledre ezé e za mbá zí Lomo, ni yi ené bilámá 'yi, ledre ga bi uku yée ní, ni méngi yée za mbá zíze, zía lúgurayi zée drá gí simi lúyú ledre ezé e. <sup>10</sup> Togú itíze kangú kídí ndazé ezé 'yi lúyú ledre e wá yá, rangazé ranga go roa, otozé wo go káa do 'yi ranga, ṅṅuguzé aka ezé ledre ené kí mimbé'deze kíé'do wá.

## 2

### *Yésu ni òwú ne 'yì 'dí'bióyó lúyú ledre*

<sup>1</sup> Owú 'bi amáa e, máéké ledre ba zise káa bi ásé lúyú ledre ke. Togú ngíti 'yì gí dongarásé luyú kóo ledre go yá, ndaá éré ngìrì wá, idí úku 'dódo a. Kírésìto Yésu ni bo, bi ni òwú ne mbigí 'yì 'bi Lomo ní, ni ngúngú roné gí rozé zí 'Buné Lomo. <sup>2</sup> Yésu ma'dáa ni ne 'yì bi kóo i'bí roné zí umbu do úyuné nda lá òwú gí ro lúyú ledre ezé wá, zaá gí ro lúyú ledre 'bi 'yìma'dí e do sogo kángá za mbá.

<sup>3</sup> Éyì bi ni 'dódo a kídí owozé Lomo go ní, 'búo togú ndìsìzé go méngì òwú ledre ga bi ili yée ní.

<sup>4</sup> Togú 'yì ya née owo Lomo go, méngì lolu ledre ga bi Lomo ili yée ní wá yá, ɾaɾanga go. Uku ené née ma'díi wá. <sup>5</sup> Togú 'yì ndìsì go úwú ledre 'bi Lomo, 'bú Lomo ni go doa ma'díi. Née ledre bi ni 'dódo a kídí azé go kí Lomo kíé'do ní. <sup>6</sup> Kpá kenée, togú 'yì ya yée niyí go kí Lomo kíé'do yá, 'yì ma'dáa idí òwú ndìsì méngì ledre ga bi kóo Ngère Yésu ndìsì méngì yée ní.

<sup>7</sup> Sée ga bi mándìsì óto 'búse kíngaya, lorú bi mándìsì í'bí a zise ba, ndaá 'bi ené mikánda lorú wá. Ni lorú bi kóo ndìsìsé úwú a go 'desì ndéréoguné gí karaba ní ní. <sup>8</sup> Ẹ̀, ni kpá idí zise káa do mikánda lorú ma'díi. Gí zía éyì bi Yésu méngì ní ni go mikándané. Gí zí kényì née ní, míméngì ledre esé ni go kpá mikándané. Cakaba mituluru bi kóo ásé simi a ní okpó go, mbigí bimióngó ndìsì nda óngó goó ne.

<sup>9</sup> Gí zí kényì née, togú 'yì ya née ni go simi bimióngó 'bi Lomo, ni kpá fú ndìsì sógó lafúne e

yá, 'yì née ni aka yì ené fú simi mitùlurù.  
<sup>10</sup> 'Yì bì óto 'bú lafúne go ní, 'yì née ni go simi  
 bimióngó 'bì Lomo. Utúasá lolu ndìsì lúyú ledre  
 wá. <sup>11</sup> 'Yì bì oto 'bú lafúne wá ní, míméngì  
 ledre ené kí gámá ené e ñiyí aka yì eyé fú lá 'bì  
 mitùlurù. Owoyeme aka ené mbí éyì bì née ni  
 ndìsì méngì a ní wá, gì zía mitùlurù 'dùtù yì ené  
 komoa go.

<sup>12</sup> Owù 'bì amáa e, máéké ledre ba zíse gbékpìe  
 wá  
 gì zía máówo go, Lomo lùlùoyó lúyú ledre  
 esé go gì zía Yésù uyu umbu bì kóo ásé  
 úyu a se gì zì lúyú ledre esé e ní go.

<sup>13</sup> Máéké ledre ba kpá zíse, sée ga bì komosé enzi  
 go ní,  
 gì zía ówoyémesé Ngére Yésù bì kóo ni yì  
 ené kú bo gì dosìne ní go.

Kpá zíse ga bì ásé owùphìrangá e  
 rómosé komo Satána go ní.

Nda kpá kíse ga bì ásé aka minzéré owù e ní,  
 gì zía, ówosé Lomo go káa do 'Buzé ma'díi.

<sup>14</sup> Ma'díi, sée mingburoko 'yì e utúasá miútúasá  
 zíma úku ledre ba zíse,  
 gì zía, ówoyémesé Ngére Yésù bì kóo ni yì  
 ené kú bo gì dosìne ní go.

Máéké kpá zíse owùphìrangá e,  
 gì zía ásé kí roko'bùsé  
 cíyí ledre 'bì Lomo ni go simisé,  
 rómosé komo Satána go.

<sup>15</sup> Ndá óto 'bú do sogo káṅgá togù mbú éyì ga  
 bì simi a ní wá. Togù 'yì oto 'bú do sogo káṅgá  
 togù mbú éyì ga bì simi a ní yá, 'bú 'Buzé Lomo

utúasá ídí doa wá. <sup>16</sup> Toso bisinyí miméngì ledre ga bi 'yì e ndìşiní méngì yéè gì zì 'bú ledre ga bi doyé ní, mongú mimbé'de gì ro éyì 'bi lafú'yì, nda kí sîkpì fúndú'yì oguní eyé gì zì 'Buzé Lomo wá yì ené gì zì do sogo káṅgá. <sup>17</sup> Do sogo káṅgá kí éyì ga bi siminé bi 'yì e ndìşiní óto 'búa kíngaya ní ni úkú ené miúkú. Tí lá 'yì máa wo bi ndìşì méngì ledre ga bi Lomo ili yéè ní ni ídí trìdrìné za fí.

### *'Yì ga bi ezeokó Yésu ní*

<sup>18</sup> Owù 'bi amáa e, odu do sogo káṅgá ba ni go gbóo. Káa zì bi úwúsé kídì ezeokó Kírésìto ni ógù ní, bi ba ní tù'dù ezeokóga oguní go. Née ledre bi owozé gì zía kídì odu do sogo káṅgá ba ni go gbóo ní. <sup>19</sup> 'Yì ga gére née olùoguní gì dongaráze, tí lá ndaní eyé mbigí lafúze e wá. Ídí ṅṅuní kóo ledre Yésu bo, káa bi azé ba tí kéye. Miólúoguyé 'dodo go kídì ndaní eyé lafúze wá.

<sup>20</sup> Owù 'bi amáa e, ásé go kí 'Dówù Lomo simisé gì zì Kírésìto Yésu bi ngára lúyú ledre ndaá roa wá ní, bi ba ní ówosé ma'díi go bú.

<sup>21</sup> Máéké ledre ba zise ndaá 'bi ené gì zía bi ya ówosé ma'díi wá ní wá, yì ené gì zía bi ówosé bú ní. Kpá gì zía bi 'yì úku ɾanga uku ené ma'díi wá ní.

<sup>22</sup> Ambí ni 'yì ɾanga ne? 'Yì ɾanga ni 'yì bi uku ledre yaá, “Yésu ndaá 'bi ené Kírésìto wá ní.” 'Yì máa née ni ezeokó Kírésìto. Asi goó gì ro 'Buzé Lomo kpá gì ro Owù 'bi ené Yésu bi Ngére ezé ní. <sup>23</sup> 'Yì bi asi gì ro Yésu go ní, asi go kpá gì ro

Lomo bi 'Bu Yésu ní. 'Yi bi ɲuɲu ledre Yésu owú 'bi Lomo go ní, ɲuɲu kpá ledre Lomo go.

<sup>24</sup> Nda gi rosé ní, ledre 'bi Lomo bi tonózé kóo 'dódo a zise kú gi dosiɲe zise lúru a káa do ma'dii ledre do tónóse ɲuɲu a ní, idísé lánýá roa fú kenée ndéré kíe 'dá'dá. Togú méngisé go tí kenée, Yésu kí 'Buné Lomo niyí kise kíe'do. <sup>25</sup> Née si ledre bi Yésu mocú éyi zize gi roa kídí azé idí kí tridriže bi za fí ní.

<sup>26</sup> Máéké ledre ba zise gi ro 'yi ga bi iliní ndisi lónodo sée ní kí lónodo sée ke. <sup>27</sup> Bi gi rosé ní owú 'bi amáa e, 'Dowú Lomo bi Yésu i'bi zise ní idí idí simisé gi zia ilisé esé lolu ngiti 'yi gi ro zia 'dódo ledre zise wá. Káa zí bi 'Dowú Lomo ni 'yi úku ma'dii ní, ni go ogu 'dódo ledre e za mbá zise. Kí'dí bi 'dodo go zise ní, idísé 'dí'bi ledre née gi ro zise idise kí Yésu kíe'do.

### *Lomo oto 'búze go kɛngaya*

<sup>28</sup> Owú 'bi amáa e, idísé oto komosé fú lá ro Yésu gi ro zise idise kéne kíe'do. Togú méngisé tí go kenée, kadra bi karanée ni ndá'baogu simi a ní, azé idí kí mongú rokinyi dokuwu mengi zée wá.

<sup>29</sup> Togú ówosé go kídí Kírésito ni 'yi méngi ma'dii, née ní idísé kpá ówo a kídí 'yi ga bi ndisini méngi ma'dii ní niyí owú 'bi Lomo.

## 3

<sup>1</sup> Lúrúsé aka mongú bilámá ledre bi Lomo mengi zize, zia oto 'búze kɛngaya, zia ndisine ndólo zée kídí, owú 'bi ené e ní. Ma'dii azé tí owú 'bi ené e. Tù'dú ngiti géyi 'yi e owoní eyé

kenée wá, gi zía owoní eyé Lomo wá. <sup>2</sup> Máéké ledre ba zíse owú 'bi amáa e, azé go owú ga bi 'bi Lomo ní ma'díi. Owozé aka azé éyí ga bi Lomo ni méngi yée zíze ní wá. Éyí bi kíe'do owozé ní, ni togú Yésu ogú go yá, Lomo ni óyóló'bó zée zíze ídíze káa zía ní. Gi zía azé lúru Yésu ma'dáa za cú kí komozé. <sup>3</sup> Bi goó kenée ní, idíze óto komozé ro ledre máa née, zíze ótoómo lúyú ledre e za mbá 'dá'ba zíze ídíze drá káa zí Yésu bi lúyú ledre ndaá roa wá ní.

<sup>4</sup> 'Yi bi ndisi lúyú ledre ní, 'dewe lorú 'bi Lomo go, gi zí lúyú ledre ni cé káa zí 'dewe lorú 'bi Lomo ní. <sup>5</sup> Tí lá ídíse ówo a kídí Yésu ogú kóo do sogo kánga gi ro lúlúoyó lúyú ledre e ezé 'dá'ba, gi zía ndaá 'bi ené 'yi lúyú ledre wá. <sup>6</sup> 'Yi bi oto komoné go ro Yésu ní, niyí kéne go kíe'do, ndaá lolu kpá fú ndisi méngi lúyú ledre wá. Gi zía, 'yi bi ndisi méngi lúyú ledre ní, ngungu aka ené ledre Yésu wá, owo aka kpá wo wá.

<sup>7</sup> Owú 'bi amáa e, ngíti 'yi ndaá lóndo sée wá. 'Yi bi ndisi méngi ma'díi ledre ní ni 'yi bi lúyú ledre ndaá roa wá ní gi zía Kírésito ndaá 'bi ené 'yi lúyú ledre wá. <sup>8</sup> 'Yi bi ndisi méngi bisinyí ledre ní, ni yi ené 'yi 'bi ngére 'bi bicayi lomo e, gi zía ngére 'bi bicayi lomo e ma'dáa ni yi ené 'yi méngi bisinyí ledre kú gi dosine. Née sí ledre bi kóo Yésu Owú 'bi Lomo ogú gi roa do sogo kánga ona gi ro síniónzó moko 'bi ngére 'bi bicayi lomo e ní.

<sup>9</sup> 'Yi bi ni go owú 'bi Lomo ní, ndisi ené lolu fú lá luyú ledre wá, gi zía bilámá miméngi ledre 'bi 'bua Lomo ni go simi a. Utúasá ené lolu méngi

lúyú ledre wá, gí zía ni go mbigí owú 'bi Lomo. <sup>10</sup> Ba ledre bi ndisizé ówo dongará owú ga bi 'bi Lomo kí owú ga bi 'bi ngére 'bi bicayi lomo e gí roa ní. 'Yì bi mengi bilámá ledre wá, oto 'bú lafúne kpá wá ní, née ndaá mbigí owú 'bi Lomo wá.

### *Óto 'bú lafú 'yì e*

<sup>11</sup> Úwúsé kóo ledre ba go kú gí dosíne kídí, idízé óto 'bú lafúze e dozé. <sup>12</sup> Ndásé ídí káa zí Káyina wá. Nì yì ené 'yì 'bi Satána ufu kóo lúnduné Ábele. Ufu kóo wo gí ro 'dí? Gí zía miméngi ledre ené ni yì ené bisinyíne, miméngi ledre 'bi lúndua ni 'bi ené yì ené za mbá bilámáne. <sup>13</sup> Owú 'bi Babá e, togú do sogo kángá ba ni go sógó sée yá, ndásé síkpi mimbé'desé 'dága wá.

<sup>14</sup> Owozé go kídí okpózé gí simi umbu go, azé go tridri gí zía azé 'yì óto 'bú lafúze. Tí lá 'yì máa wo bi oto 'bú lafúne wá ní, idiaká 'bi ené go sí sílì umbu. <sup>15</sup> 'Yì bi 'yì sógó lafúne ní, ni 'yì úfu 'yì e. Ówoyémesé go kídí 'yì úfu 'yì e ndiki ené tridri bi za fí ní wá.

<sup>16</sup> Ba ledre bi azé lúrútoóko óto 'bú lafú 'yì e gí roa ní. Kírésito Yésu í'bí roné úyuné gí rozé. Káa zí bi goó kenée ní, idízé kpá í'bí rozé zí umbu gí ro lafúze. <sup>17</sup> Togú 'yì ni kí éyì e zíne, zí lúndua ndisíne ánu lerì cigí a somù ledre a wá ní, ni úku ledre bi kídí 'bú Lomo ni doné ní lará káa be 'dí? <sup>18</sup> Owú 'bi amáa e, ndazé ndisì ódro lá miódro kí tarazé gbékpíne wá. Idízé óto 'bú lafúze e zize kí sáká yée gí ro zía 'dódo a kídí otozé 'búye go ma'díi.



19 Simi bi azé go ndịsị óto 'bú lafúze ní, azé ówo a kídí azé go 'yị méngị ma'díi ledre. Ni óto mimbé'dezé zía útúásáne kpịnị utúasá ndósó simi bi azé ógụ kó'dụ Lomo ní wá. 20 Togú mimbé'dezé ndịsị ndósó simi bi azé ógụ kó'dụ Lomo ní, roko'bu Lomo romo do mimbé'dezé, owo ledre gị ro éyí e mbá bú.

21 Owụ 'bi amáa e, togú mimbé'dezé ndosó lolu kí ógụ kó'dụ Lomo wá, ni óto mimbé'dezé zía útúásáne kpịnị ngịrị utúasá méngị zée wá.

22 Éyí ga bi azé ini ini zía gị royé ní, ni méngị yée zíze gị zía ndịsịzé úwú lorụ ené zíze ndịsịzé méngị éyí ga bi bi ndịsị éme roa gị zíye miéme ní. 23 Ba ledre bi kúrú Lomo uku zíze ní kídí, idízé ngúngu ledre Owụ 'bi ené Kírésito Yésu kینگaya. Zíze kpá óto 'bú lafúze dozé káa zí bi Yésu ma'dáa uku zíze ní. 24 Ma'díi togú ndịsịzé tí úwú kúrú Lomo, zíze ndịsịzé lánýaze roa kینگaya, azé ídí kéye éyí kíé'do. Kasa 'Dówúne go zía ídíne simizé. Née éyí bi 'dodo yeme kídí, azé go éyí kíé'do kí Lomo ní.

## 4

### *Ledre gị ro nébị 'yị ڤanga e*

1 Sée ga bi máóto 'búse kینگaya ní, ndásé ngúngu ledre ga bi za mbá niyí ndịsị úku yée zíze kídí 'Dówú Lomo ukui'bí ne ní wá. Ídísé lúrú bi simi ledre ga bi ndịsịní úku yée née bilámáne kí gị ro zíze ówo dongará togú née ledre bi ogụ gị zí Lomo ní yá. Gị zía tú'dụ nébị ga bi 'yị ڤanga e ní bayiní go do sogo kángá mbá.

<sup>2</sup> Ásé ówoyéme ledre bi gi zí 'Dówú Lomo ní gi ro ledre ba. 'Yi bi ni ñgúnṅu a kídí, Yésu ni Kírésito bi Lomo kasaogu wo káa do 'yima'dí ní ogu gi zí Lomo ní. <sup>3</sup> Tí lá 'yi bi ñgúnṅu ledre née kenée gi ro Yésu wá ní, 'Dówú Lomo bi simi a ní ogu ené gi zí Lomo wá. 'Dówú bi simi a née ni gi zí ezeokó Kírésito,\* bi kóo úwúsé ledreyé kídí niyí ógu ní. Bi ba ní, oguní go. Niyí go do sogo káṅgá oná.

<sup>4</sup> Owú 'bi amáa e, ásé yi esé go mbigí 'yi ga bi 'bi Lomo ní. Rómosé komo nébi ga bi 'yi ranga e ní go, gi zía 'Dówú Lomo bi simisé ní, ni kí roko'buné rómo do roko'bu 'dówú bi simi lomo ga bi 'bi do sogo káṅgá ní. <sup>5</sup> Nébi 'yi ranga ga gére ní, niyí 'yi ga bi 'bi do sogo káṅgá ní. Ledre ga bi ndişiní úku yée ní, yi eyé ledre ga bi 'bi do sogo káṅgá ní, zí 'yi ga bi 'bi do sogo káṅgá ní ndişiyé úwú ledre máa ga gére née dujú ye. <sup>6</sup> Gi rozé, azé yi ezé mbigí 'yi ga bi 'bi Lomo ní. 'Yi ga bi owoní Lomo bú ndişiní úwú ledre ga bi ndişizé úku yée ní. Yée ga bi owoní Lomo wá ní, uwuní eyé ledre ezé e wá. Bi goó kenée ní, née go éyi bi azé ówo dongará ma'díi ledre bi 'Dówú Lomo ndişi úku yée ní kí wo bi 'dówú bi simi 'yi ranga ga gére ndişiní úku yée ní.

### *Óto 'bú lafú 'yi e*

<sup>7</sup> Sée ga bi máoto 'búse kíngaya ní, ídize ídí 'yi óto 'bú lafúze. Gi zía roko'bu bi ndişizé óto 'bú lafúze kíe ní ogu gi zí Lomo. Togú ndişizé kací

---

\* **4:3** 4:3 'Dówú bi gi zí ezeokó Kírésito: Ni 'dówú bi Satána kasa wo ógu lóndo 'yi e ní.

kadra mbá fú lá kí 'bú lafúze dozé yá, ma'díi azé ídí mbigí owú ga bì 'bì Lomo ní gí zía owoyemezé wo go. <sup>8</sup> 'Yì bì oto 'bú lafúne wá ní, owo ené Lomo wá, gí zía Lomo nì yì ené 'yì óto 'bú 'yì e. <sup>9</sup> Lomo oto 'búze 'yìma'dí e káa, kasaogu bikéří Owú 'bì ené Yésu ógu úyuné do sogo káṅgá ona gí ro zíze ídíze trıdrızé za fí. <sup>10</sup> Óto 'bú 'yì e nì káa, ndaá 'bì ené bì yaá otozé 'bú Lomo ze ní wá. Oto yì ené 'búze ne zía kásaógu bikéří Owú 'bì ené bì 'búa ofu doa go ní ógu úyuné gí ro lúyú ledre ezé. <sup>11</sup> Sée ga bì máoto 'búse kینگaya ní, káa zı bì Lomo oto 'búze go kینگaya kenée ní, idíze kpá oto 'bú lafúze. <sup>12</sup> 'Yì bì kije'do káa lurú Lomo go kí komoné ní ndaá. Tí lá togú otozé 'bú lafúze go yá, azé kí Lomo go éyì kije'do. Ma'díi óto 'yì bì 'bì Lomo ní nì go do mimbé'dezé.

<sup>13</sup> Owozé bì kídí ndışızé go méngı ledre bì Lomo ili ní zíze ídíze kéye go éyì kije'do ní, gí zía kasa 'Dówúne ógu ndışıné simizé. <sup>14</sup> Lurúze wo go cı kıkomoze, zíze ndışızé úkutátá ledrea zı 'yì e kídí, Lomo bì 'Bı ní kasaogu Owú 'bì ené káa do 'Yì yómo 'yì e do sogo káṅgá. <sup>15</sup> Togú 'yì ṅuṅgu ledre Yésu kídí nì Owú 'bì Lomo yá, 'yì née niyí kí Lomo go éyì kije'do ndışı go méngı ledre bì Lomo ili ní. <sup>16</sup> Owozé go zíze ṅuṅgu a ma'díi kídí Lomo oto 'búze go kینگaya.

Lomo nì 'yì oto 'bú 'yì e. 'Yì bì nì 'yì óto 'bú 'yì e ní, ndışı méngı ledre ga bì Lomo ili yée ní zıye ídıye kí Lomo go éyì kije'do. <sup>17</sup> Káa zı bì azé go kí Lomo éyì kije'do ní, azé ndışı óto 'bú lafúze káa zı bì ili ní. Gı ro karanée kadra 'dėci ngbanga, ṅıřı mengı zée wá. Gı zía mindışızé

do sogo ona ni yì ené kǐé'do kí Lomo. <sup>18</sup> 'Yì óto 'bú 'yì e eré ené ngìrì wá. Tí lá mbigí óto 'bú 'yì e ndìsì lágaóyó ngìrì gì simì 'yì 'dá'ba, gì zía ngìrì ní éyì bì ndìsìní 'dècì ngbanga roa ní. 'Yì bì 'yì ngìrì ndaá 'bì ené mbigí 'yì óto 'bú 'yì e wá.

<sup>19</sup> Ndìsìzè óto 'bú lafúze, gì zía Lomo otoutu 'búze ne. <sup>20</sup> Togú 'yì uku ledre kídí, “Máoto 'bú Lomo go” zía ndìsìné sógó lafúne ní ni 'yì ranga. Gì zía 'yì bì oto 'bú 'yì bì lurú wo go cù kí komoné wá ní, útúásá óto 'bú Lomo bì lurú wo kí komoné wá ní wá. <sup>21</sup> Ba kúrú Ngére Yésù zíze kídí, “'Yì bì oto 'bú Lomo go ní, idí kpá óto 'bú lafúne kenée.”

## 5

### *Idíze ngúnḡu ledre Owú 'bì Lomo*

<sup>1</sup> 'Yì bì ngúnḡu go kídí Yésù ni Kírésìto ní, ni go owú 'bì Lomo. 'Yì bì oto 'bú 'buzé Lomo go ní, oto kpá 'bú owú 'bì Lomo go. <sup>2</sup> Ba ledre bì azé ówo a gì roa kídí otozé 'bú owú ga bì 'bì Lomo ní go ní, ni óto 'bú Lomo kí méngì ledre ga bì lorù ené ili yée ní. <sup>3</sup> Óto 'bú Lomo ni úwú lorù ené. Lorù bì Lomo i'bí zíze ní, utúásá rómo zée wá. <sup>4</sup> Gì zía 'yì bì ni go owú 'bì Lomo ní, romo komo do sogo kánḡá go. Ngúnḡu ledre ezé i'bí roko'bù née ne zíze romo komo do sogo kánḡá kǐé. <sup>5</sup> Ambí ni romo komo do sogo kánḡá ba ne? Dụú 'yì máa wo bì ngúnḡu go kídí, Yésù ni Owú 'bì Lomo ní.

<sup>6</sup> Kírésìto Yésù ma'dáa ni ne wo bì kóo ogù do bábátìzì wo kí iní zì sámaa ndé'yíne gì rozé ní. Ndaá 'bì ené lá babatiza bì kí iní ní wá kpá sámaa bì nde'yì ní. Ledre née méngì roné go káa zì bì

'Dówù Lomo 'dodo ní gì zía 'Dówù Lomo ni yì ené 'yì úku ma'díi. <sup>7</sup> Éyì ga bì 'dodo yemení sù ledre e ní niyí ota. <sup>8</sup> Mìzefì a, ni 'Dówù Lomo, gbre a, ni iní, ota a (3) 'bì ené sáma. Éyì ga bì ota (3) nées 'dodoní ledre mbá kìé'do kídí, Ngére Yésù ni owù 'bì Lomo ma'díi. <sup>9</sup> Abú azé tí úwù ledre gì tara 'yìma'dí e yá, ledre bì gì zí Lomo ní romo do ledre 'bì 'yìma'dí e. Gì zía niyí ledre bì gì ro Owù 'bì ené ní. <sup>10</sup> 'Yì bì ɲuɲu go kídí Yésù ni owù 'bì Lomo ní, ledre bì Lomo uku ní utúasá do mímbe'dea go kpìni. 'Yì bì ɲuɲu kenée wá ní, oto Lomo go káa do 'yì ɲanga. Gì zía ɲuɲu ené ledre bì Lomo uku gì ro Owù 'bì ené ní wá. <sup>11</sup> Lomo uku kpá go kídí nées i'bí trìdrì bì za fí ní go zíze. Trìdrì máa nées ogù gì zí Owù 'bì ené. <sup>12</sup> 'Yì bì niyí kí Owù 'bì Lomo kìé'do ní, ni ídí kí trìdrì bì za fí ní. 'Yì bì ndaní kí owù 'bì Lomo kìé'do wá ní, utúasá ndíki trìdrì bì za fí ní wá.

### *Odu kúru Yiwáni*

<sup>13</sup> Máéké ledre ba zise gì ro zise ówoyéme a kídí, sée ga bì ɲuɲusé ledre Owù 'bì Lomo go ní, áse go kí trìdrì bì za fí ní. <sup>14</sup> Ngìrì ndaá rozé kí ógù kó'dù Lomo wá. Gì zía owozé go kídí éyì ga bì azé ndú'yú wo gì royé ní, ni úwù a zía méngì yée zize kací ìli ledre ené. <sup>15</sup> Togù owozé bú kídí Lomo ni uwù ini ezé, idíze kpá ówo a kídí, éyì bì azé ndú'yú wo gì roa ní, ni í'bí a zize.

<sup>16</sup> Togù 'yì gì dongarase luyú ledre bì ni 'di'biogu umbu wá ní, idíse ini ini gì roa. Lomo ni yómo wo. Máuku nées ledre 'yì ga bì luyú ledre eyé 'di'biogu umbu wá ní. 'Yì ni bo luyú ledre

ené ndịsị 'dí'biogụ umbu. Máúku amá ba kídí, ídísé íni ini zí Lomo gị ro 'yị máa wo née wá. <sup>17</sup> Bisinyí miméngị ledre niyí za mbá lúyú ledre. Tí lá lúyú ledre nì bo wo bì 'dì'biogụ umbu wá.

<sup>18</sup> Owozé go kídí 'yị bì nì go mbigí owụ 'bì Lomo ní, ndịsị ené lolụ fú lá lúyú ledre wá. Gị zía, Ngére Yésu owụ 'bì Lomo nì nda ndịsị lúrú bì kací a goó ne. Satána utúasá méngị lárá kéyị kíe wá.

<sup>19</sup> Owozé bú kídí azé owụ ga bì 'bì Lomo ní. Do sogo kángá za mbá nì 'bì ené sị sịlị roko'bu 'bì Satána. <sup>20</sup> Owozé kpá go kídí Owụ 'bì Lomo ogụ kóo go, i'bí ówo ledre go zíze gị ro zíze ówo mbigí Lomo. Azé go kí Lomo kíé'do kpurú gị simi Owụ 'bì ené Kírésito Yésu. Nì ne mbigí Lomo kpá 'yị í'bí trịdrị bì za fí ní.

<sup>21</sup> Owụ 'bì amáa e, ídísé ígí rosé gị zí lomo ga bì yemení yée kí sịlị 'yị ní.

**MIKÁNDA LORU 'BI LOMO KÍ DOSÍ ÉYÍ E**  
**Baka: MIKÁNDA LORU 'BI LOMO KÍ DOSÍ ÉYÍ E New**  
**Testament+**

copyright © 2016 Wycliffe Bible Translators, Inc.

Language: Baka

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 21 Feb 2024 from source  
files dated 29 Jan 2022

9ebc1b62-650d-5302-9391-27a31d140102